

cambio

NOVEMBRO 2023

RESUMO MENSUAL DE ACTIVIDADES



VOLVE A CIENCIA NA RÚA CON CINVIGO

Comeza a conta atrás para celebrar unha nova edición do **festival científico CinVigo**, organizado por segundo ano consecutivo polo CINBIO, co propósito de converter as rúas e prazas de Vigo nun auténtico laboratorio, aberto a toda a cidadanía, e no que o alumnado de ensino medio será o gran protagonista. Durante a fin de semana do **20 e 21 de abril de 2024**, o centro de Vigo acollerá este evento de divulgación científica que ofrecerá unha completa oferta de actividades ao público asistente: desde visitar os proxectos científicos que concursan na feira científica ata participar activamente noutras accións divulgativas, como os obradoiros científicos para público infantil ou unha *xincana* científica.

O que pretendemos con esta iniciativa, que nesta ocasión conta coa colaboración da **Fundación Española para la Ciencia y la Tecnología (FCYT) - Ministerio de Ciencia de Innovación**, é trasladar á cidadanía o interese pola ciencia, e fomentar que a rapazada viva o proceso de investigación en primeira persoa, ademais de dar a coñecer a existencia dun centro especializado en nanomateriais e biomedicina tan preto da cidade.

Na súa anterior edición, CinVigo acadou a participación de máis de 260 concursantes de 27 centros educativos de Galicia, atraendo a máis de 35.000 visitantes nunha fin de semana.

Se ti tamén queres formar parte de CinVigo, non o dubides máis e **escríbenos a cinvigo@uvigo.gal** manifestando o teu interese. Proximamente teremos máis novidades! **Precisamos do #teamCINBIO!**

[Máis información.](#)





PROXECTO EN COLABORACIÓN COA ONCE

A responsable do Laboratorio de Enfermidades Raras do CINBIO, Diana Valverde, lidera un proxecto sobre a alteración da membrana mitocondrial en cegueiras asociadas a ciliopatías, que conta coa colaboración da ONCE. [Máis info.](#)



VERÓNICA SALGUEIRIÑO EN THE CONVERSATION

A líder do grupo de Nanomateriais Híbridos do CINBIO, Verónica Salgueiriño, publicou un artigo divulgativo en *The Conversation España*, coincidindo co aniversario do nacemento de Marie Curie. [Artigo completo.](#)



XORNADA DE NEUROCIENCIA

O 7 de novembro, os investigadores do CINBIO, Juan Pérez e Ana Campos, participaron na Xornada de Neurociencia organizada pola *Sociedad Española de Neurociencia* (SENEC) na Facultade de Ciencias da Saúde da Universidade da Coruña. [Máis info.](#)



MÉTODO ESTADÍSTICO LIÑAXES CELULARES

Persoal investigador do grupo de Filoxenómica do CINBIO e da Escola Politécnica Federal (ETH), de Zurich, deseñan un método estatístico que permite detectar por primeira vez que liñaxes celulares evolucionan máis rápido. [Máis info.](#)



CINBIO PARTICIPA NO RIES 23

O CINBIO estivo presente no Fórum Internacional RIES 23, o evento do ecosistema sanitario galego no mundo. Formando parte do *stand* da Universidade de Vigo, presentamos o portfolio coa nosa oferta de I+D e os resultados obtidos. [Máis info.](#)



FORMACIÓN EN TRANSFERENCIA

O 14 de novembro celebrouse a 3ª sesión do programa formativo en Transferencia de resultados de investigación. Foi impartida por David Pequeño e Manuel Ventura, CEO de Ingenyus, e estivo centrada na comunicación de resultados. [Máis info.](#)



VISITA DEPUTACIÓN DE PONTEVEDRA

O mércores 15 recibimos a visita do presidente da Deputación de Pontevedra, Luis López, quen, acompañado polo reitor da Universidade de Vigo e o director do CINBIO, tivo a oportunidade de coñecer as nosas instalacións e o traballo desenvolvido polo #teamCINBIO. [Máis info.](#)



SEMINARIO RAFAEL RODRÍGUEZ

O xoves 16 de decembro, o Dr. Rafael Rodríguez Riego (Universidade de Santiago de Compostela / CIQUS) impartiu a masterclass "Taming helices: from structure to functions" dentro do ciclo CINBIO Seminar Programme. [Máis info.](#)



JUAN PÉREZ NA RADIO GALEGA

O líder do grupo Neurocircuits do CINBIO, Juan Pérez Fernández, explica a influencia do Neuromarketing nos nosos hábitos de consumo nunha entrevista no programa "Galicia por Diante Fin de Semana" da Radio Galega. [Entrevista completa.](#)



XESTIÓN DA MEXILLA NO LITORAL GALEGO

Persoal investigador do grupo de Inmunoloxía do CINBIO, liderado por África González, colaborará no estudo para a identificación e marcaxe selectiva de larvas de mexillón, co fin de obter información sobre a evolución do recrutamento de semente do molusco nas rochas do litoral galego. [Máis info.](#)



SEMINARIO YORDANKA MASFORROL

O 21 de novembro, a Dra. Yordanka Masforrol González (Centro de Ingeniería Genética y Biotecnología, Cuba) ofreceu unha masterclass dentro do ciclo CINBIO Seminar Programme. [Máis info.](#)



PROXECTO EUROPEO FASTCOMET

Persoal investigador do Laboratorio de Nanomateriais Biomiméticos do CINBIO, liderado por Luis Liz Marzán, participa no proxecto europeo Fastcomet para tratar de avanzar no desenvolvemento dunha tecnoloxía que multiplique por dez a capacidade de almacenamento da información. [Máis info.](#)



FORO DE INVESTIGACIÓN

A subdirectora do CINBIO, Diana Valverde, participou no Foro de Investigación organizado pola Universidade do Minho e a Universidade de Vigo para dar a coñecer os seus proxectos en 11 áreas científicas co fin de favorecer a colaboración entre o seu persoal investigador. [Máis info.](#)



VISITA AO CEP IGREXA-VALADARES

A responsable do servizo de Citometría do CINBIO, Mercedes Peleteiro, visitou o CEP Plurilingüe Igrexa-Valadares para compartir unha mañá diferente co alumnado de 6º de primaria deste centro educativo vigués, sendo un total de 22 as rapazas e rapaces que asistiron á súa charla. [Máis info.](#)



PROXECTO IBEROS+

O grupo de Inmunoloxía do CINBIO, liderado pola investigadora África González, forma parte do proxecto Iberos+, que busca responder aos desafíos asociados co envellecemento da poboación, sendo un dos tres proxectos liderados pola Universidade de Vigo que foron seleccionados na convocatoria do programa POCTEP, [Máis info.](#)




PUBLICACIÓNS

Mantente ao día das últimas publicacións dos distintos grupos de investigación do CINBIO consultando a nosa web: cinbio.es. [máis info.](#)



ENQ. SATISFACCIÓN

Lembra que temos dispoñible todo ano a [enquisa](#) de satisfacción e son benvidas propostas e suxestións. Aínda que se o prefires, estaremos encantadas de atenderte de forma presencial na Unidade de Xestión.



CIENTIFIS

Lembramos ao persoal CINBIO que temos a súa disposición o software de xestión [CIENTIFIS](#), onde poden acceder online e actualizar o seu CV, proxectos e info de grupo, actualizándose de forma automática en cinbio.es.

DECEMBRO 2023




5 DE DECEMBRO - MANUEL SOUTO SALOM

"Exploiting the versatility of electroactive organic building blocks for the construction of functional framework materials".

O martes 5 de decembro, contaremos coa presenza do Dr. Manuel Souto Salom (Universidade de Santiago de Compostela/CiQUS), que ofrecerá unha masterclass dentro do ciclo CINBIO Seminar Programme.

Será ás 11:00 horas na Sala de Seminarios da Torre CACTI.

Sala de seminarios, Torre CACTI - 11:00h



cinbio.es



*PO FEDER Galicia 2014-2020
"Unha maneira de facer Europa"*